

Enhed Peqqussummut allannguutissatut missiliuut, najukkap
immikkut ittumik illersugaanera

Sagsbehandler

Koordineret med Inunnik Qitiusumik Nalunaarsuiffik (CPR pillugu inatsit) pillugu inatsisip
allangortinneqarnissaanik inatsisip Kalaallit Nunaanni atuutilersinneqarnissaa pillugu
peqqussut

Sagsnr.
2014 - 14466 UAGUT MARGRETHE AAPPAAT, Guutip saammaaneragut Danmarkip Dronningia,
nalunaarpugut:

Doknr.
224602

Dato
24-04-2015 Inunnik Qitiusumik Nalunaarsuiffik (Ataqqinassutsimut imaluunniit inooqatigiinnermi
aaqqiagiinngissutinut il.il. tunngatillugu pineqartut inuttut siorasaarneqarsimasut
najugaasa immikkut ittumik illersugaanissaat) pillugu inatsisip
allangortinneqarnissaanik inatsit nr. 545, 29 april 2015-imeersumi § 3 naapertorlugu
aalajangerneqarpoq:

§ 1

Inunnik Qitiusumik Nalunaarsuiffik pillugu inatsimmi, kunngip peqqussutaatigut nr. 1198, 29. november 2006-imi Kalaallit Nunaanni atuutilersinneqartutut, Inunnik Qitiusumik Nalunaarsuiffik aamma peqqissuunissamik inatsisip (International Citizen Servicemi sulinermi nunap ornitap iserfigineranik nalunaarsorneqartarneq aamma peqqissuunermik allagartap il.il. pilersinneqartarnerat, meeqqat najugaasa nalunaarsorneqartarnerat pillugu malittarisassat allannguutaat erseqqissarneqartarnerallu, soraarninngortarnermi sillimmasiisarfinnillu ingerlatseqatigiiffit il.il. ilaannut CPR-imiit paasissutissat ingerlateqqinneqartarnerannut malittarisassat allannguutaat) pillugit inatsisip allangortinneqarnissaa pillugu inatsisikkut nr. 1251-ikkut 18. december 2012-imeersutigut allangortinneqartutut, Inunnik Qitiusumik Nalunaarsuiffik (kinaassutsip atornerlunneqarnerani aamma ilisimatuut illersugaanerat pillugu nalunaaqutsiussat atorunnaarsinneqartarneranni immikkut ittumik pisoqartillugu inuup normuanik nutaamik tunineqartarneq) pillugu inatsit nr. 311, 29. marts 2014-imeersumi, aamma Inunnik Qitiusumik Nalunaarsuiffik pillugu inatsisip aamma peqqissuunissamik (suaaassusermut allamut ilaasutut misigisimasunut inuup normuanik nutaamik tunniussisarneq pillugu) inatsimmi, peqqussutikkut nr. xx, xx-meersukkut Kalaallit Nunaanni atuutilerinneqartumi makku allannguutigittinneqassapput:

1. § 6-imi imm. 5 kingorna immikkoortutut nutaattut ikkunneqassaaq:
"Imm. 6. Ataqqinassutsimut inooqatigiinnermulluunniit tunngatillugu
aaqqiagiinngissuteqarnermi inuttut siorasaarneqartoq, imm. 1 aamma 2
apeqqutaatinnagit politiniit allakkaatigut nalunaarfigineqarnikkut kommunalbestyrelsip
nalunaarsortassavai. Oqaaseqatigiinni siullermi pineqartutut siorasaarneqartoq
nuuppat, kommunip nuuffiusup pineqartoq kommunimi nuuffigisami aalajangersumik
najugaqanngitsutut nalunaarsussavaa. Pineqartup najugaa aalajangersumilluunniit
sumiittarfia pineqartoq aalajangersumik najugaqanngitsutut nalunaarsugaatillugu



allannguuteqarpat tamanna pillugu kommunalbestyrelsip politiit ilisimatissavaat. Aalajangersumik angerlarsimaffeqannginnerup nalunaarsugaanerata atorunnaarsinneqarneranik politiit pineqartorluunniit nammineq allakkatigut kommunalbestyrelsimut nalunaaruteqarpat, imm. 1, 2, 4 imaluunniit 5 malillugit pineqartoq inuit nalunaarsorsimaffiannut nalunaarsorneqassaaq. Pineqartup nammineq qinnuteqareerneratigut nalunaarsugaaneq atorunnaarsinneqarpat, tamatuminnga kommunalbestyrelsip politiit ilisimatissavai. Meeraq oqaaseqatigiinni siullerni aappaanniluunniit pineqartumik angajoqqaalik, angajoqqaamisulli najugaqarpat, taamatuttaaq aalajangersumik najugaqanngitsutut nalunaarsorneqassaaq meeqqallu najugaata nalunaarsorneqarnerani angajoqqaat anjugaat malinneqassaaq, meeraq angajoqqaamini najugaqartuartillugu.«
Imm. 6 kingorna imm. 7-nngussaaq.

2. . § 13, *imm. 2-mi*, oqaaseqatigiit pingajuattut ikkunneqassaaq:
»Meeraq § 6, imm. 6-imi oqaaseqatigiit arfernganni ilanngunneqarsimappat, oqaaseqatigiit siulliit aappaallu malillugit tusarniaasoqassanngilaq.«

3. § 13, *imm. 3-imi*, peqqussummi nr. xx, xx 2015-imeersumi § 1, nr. 7-imi oqaasertalerneqartutut, oqaaseqatigiit siulliit kingorna ikkunneqassaaq.:
»Taamaaqataanik atuuppoq nalunaarutigineqartumik nuunnermi inatsimmi § 6, imm. 6 oqaaseqatigiit arfernat naapertorlugu meeraq aalajangersumik nalunaarsugaassappat.«

4. § 28, *imm. 1*, oqaaseqatigiit *siullianni.*, »§ 43, imm. 1, aamma § 45« imaalillugu allanngortinneqassaaq: »aamma §§ 43 aamma 45«.

§2

Peqqussut atuutilerinneqarpoq ulloq 1. januar 2016.

Amalienborgimi tunniunneqarpoq, ulloq xx
Kunngitut atsiorpugut naqissusiillutalu
MARGRETHE R.

/Carsten Grage